



Aqqalu C. Jerimiassen

UKA 2022/20

Atassut

11. oktober 2022

**Qitiusumik Inuit Nalunaarsorsimaffiat pillugu inatsip allanngortinnera pillugu inatsimmi, Kalaallit Nunaanni folketingimut qinersisarneq pillugu inatsimmi aamma Folketingimut qinersisarneq pillugu inatsimmi aalajangersakkat ilaat Kalaallit Nunaannut atuutilernissaat pillugit Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut (Inunnik Namminersorlutik Oqartussanit Naalagaaffimmilluunniit nunanut allanut suliartoqquneqarsimasunik il. il. Danmarkimi aamma Kalaallit Nunaani najugaqartutut nalunaarsuineq, kiisalu Danmarkimi aamma Kalaallit Nunaanni folketingimut qinersinissamut allattorsimaffianut nalunaarsorneqarneq)” UKA 2022-mi Inatsisartunut saqqummiunneqarnissaa siunertaralugu**

(Naalakkersuisut Siulittaasuat)

Naalagaaffiup iluani inatsisitigut nalimmassaaneq iluarisimaarnarpoq. Inatsisimmi nikingasimanerat arlaatigut kingunerluuteqarsinnaasernerat akuersarneqarsinnaangilaq, atorfeqartitaaneq pisussaaffiligaasimaneq malillugu nunatsinnut uteqqinnermi suna tamaat aallaqqaataaneertutullusooq pisoqartarnera iluarsineqartariaqarpoq.

Nunattalu avataani suliarortariaqarsimaneq toqqammavingalugu, nunamilu allamiinnermi meerartaarsimangaanni meerartaarisamut innuttaasuseqalersitsiniarneq aporfissaasariaqanngikkaluarmat, angajoqqaajusut tamarmik naalagaaffiup ataani innuttaasuseqarpata. Uani assersuutissaqqissuusinnaavoq, 2016-imi USA-mi præsidentimut qiningassanngortittuusooq Ted Cruz Canadami inunngortuuvoq, USA-llu inatsisaa malillugu, taamaallaat USA-mi inunngortuugaanni præsidentimut sassartoqarsinnaavoq. Taamaakkaluartoq 2016-imi sassarpoq aporfeqarani, angajoqqaavi piffissami tassani suliffitsik peqqutingalugu Canadamiimmata.

Taamaammat uagut nunaqqatigut suliffik peqqutingalugu naalagaaffiup avataani najungaqartariaqartuusunut allaanerusumik sooq atungaqartitsissuugut.

Siunnersuut iluarisimaarparput, aaqqiissutissarlu inatsisitigut tulluarsaanerinnartut taaneqarsinnaasutut isigalugu.

Taamatut oqaaseqarluta, Atassummiit siunnersuut toqqaannartumik ilusaatut isikkoqartillugu taperserparput.